

渭南縣志卷第八

明中順大夫浙江紹興府知府邑南大吉撰朝議大夫山陰布政司左叅

議姪軒續編奉議大夫右奉坊右庶子兼翰林院侍讀孫師仲增訂

文林郎知渭南縣事西蜀徐吉參閱

人物志

師仲曰先大夫嘗致慨于世逸人往掌故不存致  
令稽古論世者靡所取衷余爲此懼大索諸史卒  
十九闕焉文獻不足之歎尙矣今取舊志所載僭  
加刪定續以近代諸賢聊備鑒觀敢云月旦

秦程邈下邳人初爲縣獄掾後至著作卽是時書法

各名家莫知所向邈以史籀文變爲隸體傳於世  
晉書云邈爲衛獄吏得罪始皇從獄中作小篆奏之  
始皇稱善以爲御史使定書蓋始皇使邈作小篆用  
之奏事事繁多篆字難成故邈又作隸書以趣約易  
蓋篆之捷也以邈起於徒隸即謂之隸書由茲言之  
則小篆隸書皆邈作云

漢翟公下邳人舉宏茂異等爲廷尉賓客填門及廢  
門外可設雀羅翟公復爲廷尉賓客欲往翟公乃大  
署其門曰一死一生乃知交情一貧一富乃知交態  
一貴一賤交情乃見

張禹字子文其先河內軹人禹父徙家蓮勺今渭南  
耒化里禹爲兒時卜者謂禹父是兒多知可令學經  
及壯至長安舉爲郡文學甘露中蕭望之奏禹經學  
精習有師法久之試爲博士初元中博士鄭寬中薦  
禹善論語詔令授太子論語遷光祿大夫出爲東平  
內史成帝即位賜爵關內侯領尚書事時帝舅王鳳  
輔政專權上富於春秋方嚮經學而禹鳳並領尚書  
內不自安數上書乞骸骨避鳳上報曰朕以冲年故  
委國政君何疑焉禹惶恐復起視事後代王商爲丞  
相封安昌侯六歲以老病乞骸骨上賜安車駟馬以

列侯朝朔望位特進見禮如丞相禹爲人謹厚弟殖  
貨以田爲業身居大第日理絲竹莞絃弟子著者淮  
陽彭宣沛郡戴崇二人異行禹心親愛崇敬宣而疏  
之崇每侯禹入後室飲食相對莞弦鏗鏘宣來見之  
便坐講論經義賜食不過卮酒兩人各自得也禹年  
老自治家瑩奏求平陵肥牛亭地上以賜禹曲陽侯  
王根爭之云地當平陵寢廟宜更賜禹它地上不從  
卒以賜禹禹每病上自臨問之禹頓首謝言老臣愛  
女遠嫁張掖太守蕭咸思與相近上卽徙咸弘農太  
守又禹小子未官上臨侯禹數視其子上卽拜爲黃

門給事禹雖家居以特進爲天子師國家大政必與  
定議永始間日蝕地震尤數吏民上書言災異譏切  
王氏專政上懼變異數見意頗然之乃至禹弟以吏  
民所言王氏事示禹禹見年老子孫弱又與曲陽侯  
不平恐爲所怨則謂災變深遠難見故聖人不語怪  
神陛下宜修政以應之新學亂道誤人宜無信上由  
此不疑王氏後王根及諸子弟聞禹言皆喜遂暱就  
禹禹固寵保終故朱雲謂爲佞臣成帝崩禹事哀帝  
薨諡節侯禹四子長宏襲爵爲安昌侯官至太常  
卿三弟皆爲校尉散騎諸曹

王丹字仲回下邳人哀平時仕州郡王莽連徵不至家累千金隱居好施每農時載酒肴田間勞動者墮孀者耻不致其輕黠游蕩輩輒曉其父兄使責之歿者賻之且爲將護故喪家咸待丹爲辦行十餘年其化大洽風俗以篤丹資性方絜疾惡彊豪時河南守陳遵欲結交丹拒不許會前將軍鄧禹西征軍糧乏丹率宗族上麥二千斛禹表丹願左馮翊稱疾免歸徵爲太子少傅大司徒侯霸亦欲交友丹亦不許嘗曰交道之難未易言也客有薦士於丹者因舉之後舉者陷罪丹坐竟客慙懼自絕丹終無言尋復徵爲太子太傅乃謂客曰子之自絕何量丹之薄也相待如舊後遜位卒于家

晉吉朗蓮勺人愍帝時爲御史中丞西朝失守嘆曰吾何忍事賊遂自殺

梁吉士瞻字梁容蓮勺人少有志氣徵士吳苞見其姿容勸以經學因誦鮑照詩云豎儒守一經未足識行藏拂衣不顧年逾四十忽忽不得志乃就江陵卜者王生計祿命王生日君擁旌仗節當得戎馬大郡及武帝起兵太守義陽王撫之天門王智遜武陵蕭疆等並不從命士瞻討平之授建平太守天監中入

爲直閣將軍歷秦梁二州刺史加都督後爲太子右衛率出爲西陽武昌二郡太守在郡清約家無私積始士瞻夢得鹿皮十一及覺喜曰鹿者祿也吾當居十一祿乎自仕進所蒞已九及除二郡心惡之卒于郡贈左衛將軍

吉垠士瞻子當士瞻卒武昌時垠在戎間聞訃一踴而絕良久乃甦不顧軍制輒離所部遂以孝聞詔下旌異

吉玠字彥霄蓮勺人有孝行年十一遭生母憂水漿不入口殆將滅性親黨異之天監初父爲吳興令爲姦吏所誣逮詣廷尉玠時十五號泣祈請見者隕涕其父耻爲吏訊乃虛自引咎罪當大辟玠搥登聞鼓乞代武帝疑受計於人敕廷尉蔡法度嚴取款實法度盛陳徽纒問曰爾代父死敕已相許然刀鋸至劇爾童孺志不及此對曰囚雖蒙弱豈不畏死不忍見父極刑自延視息所以斷胷臆上千萬乘柰何受人教邪法度更誘之曰主上知尊侯無罪行當釋君神儀明秀若轉辭幸父子同濟奚以效年苦求湯鑊玠曰凡鯤鯀螻蟻尚惜其生況在人斯豈願壅粉但父正刑書故思殞仆冀延父命獄掾備加桎梏法度以

聞帝乃宥其父丹陽王尹欲舉文純孝粉曰異哉王  
尹何量粉之薄夫父辱子死斯道固然若當此舉是  
因父買名一何甚辱拒之而止年十七應辟爲本州  
主簿出監萬年縣風化大行後丹陽守臧看等薦粉  
孝行純至敕付太常旌舉初粉以父陷罪因成悻疾  
後發而卒

隋田式字顯標下邳人父長樂仕魏爲馮翊太守式  
性剛果多武藝周明帝時授都督後拜渭南守政尚  
嚴猛吏人重足立無敢違法者遷馮翊守親故屏跡  
請託不行武帝善之拜襄州總管式專務立威每視  
事必盛氣待下官屬股慄無敢仰視犯禁者雖親昵  
無所容婿京兆杜寧省式至式誠無出外寧久之不  
得還登樓自暢式笞之五十所愛奴詣式蟲上衣揮  
袖拂之式以爲慢立榜殺之僚吏姦賊部內劫盜無  
問輕重悉禁地牢苦毒身死每赦書到先殺重囚然  
後宣示百姓其刻暴如此由是武帝譴除爲百姓式  
慙恚不食妻子至輒怒唯侍童二人給使左右武帝  
以式爲罪已尋拜廣州總管卒

田信式之子式被譴信時爲儀同式恚卧信至式前  
流涕曰大人朝廷舊臣無大過比見公卿放辱者多

旋復陸用大人何至此式欲起抽刀砍信信遽走避之月中於闕武帝知之復式官爵

魚俱羅下邳人膂力超絕弱冠爲親衛累遷大都督從晉王平陳拜開府江南高智慧等亂楊素以俱羅壯勇請與同行每戰有功拜疊州總管旣而楊素率兵擊突厥俱羅奔擊所當皆靡以功進柱國拜豐州總管初突厥爲寇俱羅擒斬之自是突厥屏迹以弟贊註誤轉安州刺史遷趙郡太守後御史劾其交通內臣除名未幾越雋飛山蠻作亂詔俱羅討平之大業中爲道軍將征高麗及還劉元進作亂詔俱羅將兵逐捕之戰無不捷然賊勢雖敗復聚俱羅度非歲月可平諸子又在京洛天下漸亂恐道路隔絕益市財貨潛迎諸子朝廷微知之恐有異志使案驗不得俱羅日重瞳陰爲帝忌大理梁敬真希奏俱羅師徒敗衄斬東都市

魚贊俱羅弟煬帝在藩贊以左右從累遷大都督及帝嗣位拜車騎將軍贊性暴虐令左右炙肉不中意刺瞎其眼温酒不適立斷其舌帝以贊藩邸之舊不忍加誅謂近臣曰弟旣如此兄亦可知因召俱羅譴責之出贊於獄令自計贊飲藥死帝恐俱羅不自安

生邊患時俱羅爲豐州總管故轉爲安州刺史

唐張仁愿下邳人有文武材武后時累遷殿中侍御史鳳閣舍人張嘉福王慶之請以武承嗣爲皇太子激仁愿睚眦仁愿正色拒之通天中劾中丞孫承景虛列虜級貶承景以仁愿代神龍中進左屯衛大將軍兼檢校雒州長史會穀貴多盜仁愿一切捕殺畿甸震懾無敢犯三年朔方軍總管沙吒忠義爲突厥所敗詔仁愿攝御史大夫代之既至賊已去引兵踵擊夜掩其營破之始朔方軍與突厥以河爲界時默啜悉兵西擊仁愿請乘虛取漠南地於河北築三受

降城絕虜路中宗從之六旬而就斥地三百里置烽候千八百所自是突厥不敢踰山牧馬歲損費億計減鎮兵數萬初建三城也不置羅門或曰邊城無守備可乎仁愿曰兵貴攻取賤退守寇至當併力出拒敢回望城者斬何事守備後常元楷代爲總管始築連門議者益重仁愿而輕元楷景龍二年拜左衛大將軍同中書門下三品封韓國公睿宗立致仕加兵部尚書卒贈太子少保仁愿號令嚴將吏信服按邊撫師賞罰必當後人思之爲立祠受降城出師輒享焉宰相文武兼者稱李靖郭元振唐休璟仁愿云



徐元慶下邳人父爽武后時爲縣尉趙師韞所殺元慶變姓名爲驛家保久之師韞以御史舍亭下元慶手殺之自囚詣官后欲赦死陳子昂議曰聖人修禮治內飭法防外使守法者不以禮廢刑居禮者不以法傷義元慶報父讐束身歸罪雖古烈士何加然殺人者死元慶宜伏辜傳曰父讐不同天元慶宜赦臣聞刑以遏亂仁以崇德今報父之讐非亂也行子之道仁也是曰能行未可以訓故禮防不勝先王以制刑也今義元慶之節則廢刑臣謂宜正典刑後旌閭墓時躱其言柳宗元駁曰禮以防亂刑亦以防亂旌與誅不得並也誅其可旌茲謂黜刑旌其可誅茲謂壞禮師韞以私怨害非辜元慶處心積慮以衝讐人之胷即死無憾是守禮而行義也又何誅焉其或父不免於罪師韞之誅不愆於法是非死於吏死于法也法可讐乎讐天子之法而執奉法之吏是悖驚陵上也執而誅之所以正邦典又何旌焉請下臣議附于獄者不宜以前議從事

王仁皎字鳴鶴下邳人玄宗廢后父景龍中授甘泉府果毅遷左衛中郎將帝即位擢將作大匠進開府議同三司封祁國公食戶三百仁皎避職不事委遠

名譽厚奉養卒年六十九贈太尉益州大都督諡宣  
昭

王守一仁皎子玄宗微時雅善詔尚清陽公主從討  
太平主有功遷殿中少監晉國公累進太子少保襲  
父爵被遇良渥后廢貶柳州別駕至藍田賜死

王海賓東南里人開元初海賓爲太子右衛率豐安  
軍使二年吐蕃寇隴右詔以海賓爲先鋒戰武階追  
北至壕口殺其衆進戰長城堡諸將媚其功按兵顧  
望海賓戰死玄宗憐其忠贈左金吾大將軍

王忠嗣海賓子當海賓戰死時忠嗣才九歲始名訓

玄宗憐其父忠授尚書奉御更賜今名養禁中肅宗  
爲忠王帝使與遊及長雄殺有武略論兵應對謔  
帝器之試守代州別駕大猾歛跡數以輕騎出塞忠  
王言於帝召還蕭嵩出河西引爲麾下乃請精銳數  
百襲虜會贊普大酋閱武鬱標川忠嗣略陣斬數千  
人獲羊馬萬計嵩上其功累遷左威衛將軍代北都  
督封清源縣男河西節度使杜希聲欲取吐蕃新羅  
城奏忠嗣才詔追赴河西進拔其城受左威衛郎將  
轉知兵馬俄吐蕃大出衆不敵舉軍皆恐忠嗣軍騎  
進殺數百人賊衆相蹂虜大敗拜左金吾衛將軍

領大同節度使天寶元年北討奚愁戰桑乾河耀武  
漠北高會而還時突厥有難忠嗣進軍磧口經略之  
烏蘇米施可汗請降忠嗣管木刺蘭山課虛實因上  
平戎十八策涉昆水斬米施可汗築大同靜邊二城  
徙清塞橫野軍實之併受降振武爲一城自是虜不  
敢盜塞徙河東節度使進封縣公忠嗣本負勇敢及  
爲將獨持重不欲竭中國力以幸功名故訓練士馬  
隨闕繕補軍中士氣日盛忠嗣時出奇兵襲敵所向  
無不克士亦樂爲用自朔方至雲中數千里據要險  
築城堡斥地甚遠俄爲河西隴節度使權朔方河東  
佩四將印勁兵重地控制萬里後數出戰青海積石  
虜輒奔破又討吐谷渾於墨離平其國帝方事石堡  
城詔問攻取計忠嗣言吐蕃舉國守之若煩兵堅城  
下必費士數萬恐得不讐矣請利兵馬待釁取之帝  
不快而李林甫尤忌其功日鉤撫過咎會重延光請  
下石堡詔忠嗣分兵應接忠嗣不得已爲出軍而士  
無賞格延光不悅河西兵馬使李光弼說曰大夫雖  
名受詔實奪其謀然已付萬衆而不立重賞何以賈  
士勇有如一捷先受禍矣忠嗣曰吾固審得城不足  
制敵失之未害於國吾恐以數萬命易一官哉延光

果訴忠嗣沮兵又安祿山扼飛狐塞謀亂請忠嗣助  
後忠嗣不見數上言祿山且亂林甫益惡之陰使人  
誣告忠嗣欲奉太子帝怒付三司訊驗罪應死哥舒  
翰方有寵白上請以官爵贖忠嗣罪帝意解貶漢陽  
太守久之徙漢東郡卒年四十五後舒翰引兵攻石  
堡拔之死亡略盡如忠嗣言故當世號為名將在朔  
方互市輒高償馬直諸蕃爭市蕃馬浸少及鎮河隴  
又請徙朔方河東九千騎以實軍乞天寶益滋息寶  
應元年追贈兵部尚書

姚南仲下邳人乾元初擢制科授太子校書遷右補

闕獨孤皇后崩代宗詔近城為陵以朝夕臨望南仲  
上疏諫之帝嘉納進五品階以酬讜言擢殿中侍御  
史內供奉四遷為御史中丞改給事中陝虢觀察使  
拜義成節度使監軍薛盈珍恃權撓政不能逞因毀  
南仲於朝德宗惑之俄遣小使程務盈誣表以罪會  
南仲裨將曹文洽入奏知其語晨夜追至長樂驛殺  
務盈投其誣于廁為二書一抵南仲一暴南仲冤具  
言殺務盈狀乃自殺驛吏以聞帝駭異南仲不自安  
固請入朝帝勞曰盈珍撓卿政邪曰不撓臣政臣隳  
陛下法耳如盈珍輩所在有之雖使羊杜復生撫百

姓御三軍必不能成惶悌之化而正師律帝默然乃授尚書右僕射卒年七十五贈太子太保諡曰貞

白鏗下邳人其先太原人高祖建北齊五兵尚書賜田韓城因家焉父温檢校都官郎中鏗其第六子徙家下邳幼好學善屬文年十七明經及第授鹿邑尉歷洛陽主簿酸棗令擢殿中侍御史賜緋魚袋充滑臺節度參謀再授鞏令皆以清直靜理聞于五人李庾襄州別駕李般沛令李軫許昌令李寧河南參軍季平鄉貢進士

白季庾鏗長子天寶末以明經授蕭山尉歷宋州司戶參軍建中元年授彭城令李正己叛說刺史李洎守城有功超授朝散大夫東州別駕賜緋魚袋仍充徐泗觀察判官貞元初進加檢校大理少卿仍知徐州事秩滿改朝奉大夫檢校大理少卿兼襄州別駕卒累贈刑部尚書右僕射

白居易字樂天季庾仲子敏悟工文章顧况見其文自失曰吾謂斯文遂絕今復得子貞元中擢進士拔萃補校書郎元和初對制策調整屋尉召為翰林學士遷左拾遺會旱甚即建言乞蠲免江淮賦以救流瘠河東王鐸將加平章事居易奏宰相天下具瞻非

重望不可任，罅誅求百計，所得財號羨餘以獻。若假以名器，皆謂陛下得所獻，與宰相誰不爭？哀割生人以求所欲事，一失豈可復追？有囚繫閔鄉獄，更三赦不得原，又奏言父死子繫，夫繫妻嫁，債無償期，禁無休日，請一切免之。會王承宗叛，帝詔吐突承璀率師出討，居易諫。唐家制度，每征伐專委將帥，今以承璀爲制，恐四方聞之，必輕朝廷。后世且傳中人爲制，將自陛下始。帝不聽。既而兵老不決，居易上言不亟罷，且有四害。會承宗請罪，兵遂罷。後對殿中論執彊鯁，帝變色謂李絳曰：「是子乃敢爾，必斥之。」絳曰：「陛下啓言者，路故群臣敢論得失，若黜之，是箝其口，使自爲謀也。帝悟待之如初。歲滿遷學士，兼京兆尹。曹參軍尋拜左贊善大夫。是時盜殺武元衡，京都震擾，居易上疏請亟捕賊，刷朝廷耻。宰相嫌其出位，出爲州刺史。久之入爲主客郎中，知制誥。穆宗好畋游，獻續虞人箴以諷。俄轉中書舍人。會河朔亂，合諸道兵出討，無功。居易上言：兵多則難用，將衆則不一。李光顏、人將有威名，裴度爲人忠勇，可當一面。無若二人者，不報。遷爲杭州刺史，築堤捍錢塘，溉田千頃。復浚李泌六井，民賴其汲。久之以太子左庶子、外司東都復拜。

蘇州刺史病免文宗立召遷刑部進馬翊縣侯會昌  
 初以刑部尚書致仕卒年七十五贈尚書右僕射居  
 易被遇憲宗事無不言多見聽然為當路所忌蘊不  
 能施既復用益不合輒病去與弟行簡敏中友愛于  
 履道里疏沼種樹構石樓香山鑿八節灘號醉吟先  
 生自為傳稱香山居士嘗與同郡高年不仕者八人  
 燕集人慕之繪為九老圖居易文章精切最工詩頗  
 規諷得失雞林行賈售其國相率篇易一金初與元  
 稹酬詠號元白又與劉禹錫齊名號劉白諡曰文  
 白行簡字知退居易弟擢進士授左拾遺累遷主客

員外郎代韋詞判度支案進膳部郎中長慶時振武  
 營田使賀拔志歲終課最詔行簡閱實發其妄志懼

自刺行簡敏而有辭後學多慕尚焉

白晦之居易姪舉進士晦之有兄二味道廬州巢縣  
 永景回淄州司兵參軍

白季康揚州錄事參軍鱗子初補本縣尉遷河內丞  
 再遷彭城令歷潯陽虹漑水凡令四縣卒于官為人  
 溫恭嚴重自尉下邳至宰溧水皆以廉濟見稱于時

累贈尚書右僕射門下侍郎太原郡公谷蕪為封贈  
 白敏中字用晦季康子少孤承學諸兄長慶初第進

士辟義成節度使李聽府遷右拾遺改殿中侍御史  
爲符澈邠寧副使以能政聞中丞高元裕薦爲侍御  
史宰相李德裕薦敏中文詞類兄居易而有器識即  
日知制誥召入翰林學士進承旨宣宗立以兵部侍  
郎同中書門下平章事遷中書侍郎兼刑部尚書封  
太原郡公崔鉉輔政欲專任患敏中居右會党項數  
寇邊鉉言宜得大臣鎮撫天子乃命敏中以原職兼  
邠寧節度招撫制置使及行帝御安福樓餞頒璽書  
諭慰賜通天帶衛以神策兵開府辟士禮如裴度討  
淮西時次寧州諸將已破羗賊敏中即諭衆棄兵爲  
業乃自南山並河按屯保回繞千里又規蕭關通靈  
威路使爲耕戰具踰年檢校司徒徙鄆南西川治蜀  
五年以勞績加兼太子太師徙荆南懿宗立召拜司  
徒門下侍郎還平章事數月足病不任謁固求避位  
不許中使勞問俾對別殿母拜未幾加中書令咸通  
中南蠻擾邊召敏中入議許挾扶升殿固求免許以  
太傅致仕卒贈太尉



渭南縣志卷第八

渭南縣志卷第九

明中順大夫浙江紹興府知府邑南大吉撰朝議大夫山東布政司左叅

議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐吉參閱

人物志

宋寇湘下邳人博古嗜學有文名世晉開運中登進士甲科冠多士後開寶間應辟終魏王府記室參軍知者惜之以子準貴累贈太師尚書令封晉國公寇準字平仲湘子少英邁通春秋三傳年十六太宗幸魏準以父陷蕃上書行在辭色激昂太宗壯之三

年舉進士太宗取人年少者往往罷或教準增年答曰準方進取可欺君邪及中第太宗知其名授大理評事出知巴東手植雙栢民以比甘棠累遷殿中丞會詔百官言事準極陳利害太宗益器重之擢樞密院直學士判吏部東銓嘗奏事殿中語不合帝怒起準輒引帝衣令帝復坐事決乃退上由是嘉之曰朕得寇準猶文皇之得魏徵也後大旱太宗問時政得失衆以天數對準曰洪範天人之際應若影響大旱之證刑不平也太宗問故準曰願召三府言之三府入準曰頃者祖吉王淮皆侮法受賕吉贓少乃伏誅淮盜主守財至千萬止杖仍復其官法豈平邪太宗問汚汚頓首謝即皆罷去其暮大雨太宗喜拜準左諫議大夫樞密副使改同知院事準性忠亮喜直諫無顧避時人語曰寇準上殿百僚股慄時太宗在位久未立儲貳以問準準曰陛下爲天下擇君謀及婦人中官不可謀及近臣不可唯求所以副天下望者帝曰襄王可乎準曰知子莫若父願即定遂以襄王爲皇太子京師人擁道喜曰少年天子也帝聞之不懌召準謂曰人心遽屬太子置我何地準再拜賀曰此社稷之福也帝入語后嬪宮中皆前賀復出延準

劇飲盡歡而罷真宗即位遷尚書工部侍郎帝久欲  
相準患其剛直難獨任以畢士安參知政事踰月並  
命同中書門下平章事是時契丹內寇縱游騎徜徉  
無鬪意準曰是狃我也請練師命將簡驍銳據要害  
以備之是冬契丹果大入急書一夕凡五至準不發  
飲笑自如明日以聞帝大駭問準準曰陛下欲不此  
不過五日爾因請帝幸澶州回列懼欲退準止之令  
候駕起帝難之欲還內準曰陛下入則臣不得見大  
事去矣請毋還而行帝乃議親征召群臣問方畧參  
知政事王欽若江南人請幸金陵陳堯叟蜀人請幸  
成都帝問準準心知二人謀乃陽曰誰爲陛下畫此  
策者罪可誅也今陛下神武將臣協和若大駕親征  
賊自當遁不然出奇以撓其謀堅守以老其師勞佚  
之勢我得勝筭矣且財用甲兵聚於京師宗廟社稷  
所寄陛下當與臣等死守今一旦棄去非復陛下所  
有若賊乘勢深入陛下當何歸乎帝喟然遂決計幸  
澶州及至南城契丹兵方盛衆請駐蹕以覘軍勢準  
曰陛下不過河則人心益危敵氣未懾非所以取威  
決勝也帝遂渡河御北城門樓遠近望見御蓋踴躍  
歡呼聲聞數十里契丹相視驚愕不能成列準承制

專決號令明肅敵數千騎乘勝薄城下詔士卒逐擊  
斬獲大半敵引去上還行宮留準居城上徐使人視  
準何爲準方與楊億飲博歌謔懽呼或就寢則鼻息  
如雷帝喜曰準如此吾復何憂契丹計索始請和準  
不從而使者請益恭帝以問準準曰如用臣策可百  
年無事不然恐四五十年後戎且生心矣會有諧準  
幸兵以自取重者準不得已許之帝遣曹利用如虜  
議歲幣曰百萬以下皆可許也準召利用語曰雖有  
敕汝所許毋過三十萬過則吾斬汝矣利用至時契  
丹已疲又懼大兵扼其歸路見利用至甚喜卒以三  
十萬成約而還自是南北弭兵準之力也當次澶淵  
時眞宗語準何人可爲朕守魏者準曰臣觀參政王  
欽若福祿未艾可爲守於是即召欽若授勅欽若茫  
然自失未及有言準曰主上親征非臣子辭難之日  
欽若驚懼不敢辭馳入魏戍虜滿野無以爲計但屯  
塞四門終日危坐越數日虜退召爲次相或云欽若  
數進疑辭故準因事出之以成勝敵之績且欽若由  
是益恨準思有以傾之矣二年加中書侍郎兼工部  
尚書準矜澶淵之功帝亦待準甚厚一日會朝準先  
退帝目送之欽若因進曰陛下敬寇準爲有社稷功

邪帝曰然欽若曰澶淵之後陛下不耻而謂準社稷  
功何也帝愕然曰何故欽若曰城下之盟春秋耻之  
澶淵之舉城下之盟也以萬乘之貴爲城下之盟何  
耻如之帝愀然不悅欽若曰陛下聞博乎博者罄所  
有出之謂之孤注陛下寇準孤注也危矣由是帝顧  
準寢衰明年罷爲刑部尚書知峽州天禧元年改山  
南東道節度使時巡檢朱能詐爲天書上以問王旦  
旦曰始不信天書者準也今天書降準所當令準上  
之則百姓不敢不信上從之使中貴人逼準準始不  
肯準婿王曙固要準始上其書遂拜中書侍郎兼史  
部尚書同平章事景靈宮使三年祀南郊進尚書右  
僕射集賢殿大學士時真宗疾劉太后預政準請問  
曰皇太子人屬望願陛下思宗廟之重傳以神器擇  
方正大臣爲羽翼下謂錢惟演佞人也不可以輔少  
主帝然之準密令翰林學士楊億草表請太子監國  
且欲援億輔政謀洩罷爲太子太傅封萊國公尋降  
爲太常卿知相州徙安州貶道州司馬帝初不知也  
他日問左右曰吾久不見寇準何也其見重如此無  
何再貶雷州司戶參軍初準好士樂善下謂种放之  
徒皆出其門謂至叅政事準甚謹嘗會食羹汚準鬢

謂起徐拂之準笑曰叅政國之大臣乃爲長官拂鬚  
邪謂甚愧之由是隙構日深竟誣準朋黨貶之未幾  
謂亦南竄天聖元年徙衡州司馬初太宗得通天犀  
帶以賜準及是遣人取自洛中沐浴具朝服束帶北  
面拜就榻而卒歸葬西京人皆設祭哭于路折竹植  
地掛紙錢焚之逾月枯竹盡生笋衆因爲立廟號竹  
林寇公祠歲時享之初張詠在城都聞準入相謂僚  
屬曰寇公竒材惜學術不足爾及準出陝詠適自成  
都還準供張待詠將去準送之郊問曰何以教準詠  
徐曰霍光傳不可不讀準莫論其意歸取讀之至不

學無術笑曰此張公謂我矣準初爲樞密直學士嘗  
賜金帛甚厚盡散宗黨故舊終身不蓄財產不置私  
第外舍內儉無聲色之娛處士魏野贈準詩曰有官  
居鼎鼐無宅起樓臺準歿後復太子太傅贈中書令  
萊國公後又賜諡曰忠愍皇祐中詔翰林學士孫抃  
撰神道碑帝爲篆其首曰旌忠準無子以從子隨嗣  
勁介有履行終於殿中丞隨子誣贊善大夫誦誠皆  
大理評事

宋璫字寶臣本縣人父鸞監察御史璫乾德中進士  
及第解褐青城主簿好寫書秩滿載數千卷以歸調

下邳主簿擢著作佐郎知綿州太宗即位改右贊善大夫爲峽州轉運副使代還召對賜緋魚復出知秦州有善政就拜監察御史充陝西轉運使復知秦州上以璫累有治績賜錢五十萬再命知秦州安集諸戎部內清肅雍熙初轉比部員外郎六年召歸面賜金紫授度支判官俄遷屯田郎中知益州屬歲饑多盜璫擒捕招緝盜皆屏息端拱初以璫爲西川轉運使加左諫議大夫改知陝州淳化中三吳歲饑命璫知蘇州璫性清簡歷官三十年未嘗問家事唯聚書以貽子孫云

宋明遠璫長子舉進士初璫卒於蘇州時太宗聞而嗟悼之乃錄明遠爲蒲城主簿俾護其喪歸葬焉後明遠官至都官員外郎弟柔遠舉進士及第垂遠官至閣門祇候皆璫子

張佶字仲雅本燕人後徙渭南父昉殿中少監佶少有志節始用陰補殿前承旨以儒業獻文求試授國子監丞遷著作佐郎監三白渠知涇陽縣端拱初爲太子贊善大夫發擿姦伏寃人得雪尋遷殿中丞兼御河督運咸平初權陝西轉運副使夏人入寇督兵擊敗之徙西川轉運副使時以討王均勳餉勞遷虞

部員外郎賊平以佶爲利州路轉運使召還授如京使涇原鈐轄兼知鎮戎軍徙麟府路鈐轄夏人來寇佶率兵與戰親射殺酋帥俘獲甚衆餘黨遁去詔書褒之賜錦袍金帶景德中徙益州鈐轄加宜州刺史遷文思使御軍撫民甚有威惠祥符中車駕祀汾陰爲西京鈐轄禮成加授北作坊使會秦州李濬暴卒馬知節稱佶可任遂改驥使知秦州置四門若開拓疆境臨渭置采木場戎人移帳而去佶不奏加資賜邊人引衆劫掠佶掩擊敗走之徙邠寧路鈐轄天禧初拜契丹國信副使再任邠州擢拜西上閣門使復爲涇原鈐轄佶涉獵書史好吟詠勇敢善射有方略其總戎護塞以威名自任子宗象乾興天聖中歷官兵部員外郎直史館度支判官

李師中下邳人高宗建炎間以白丁守華州累至忠州團練使子定一紹興慶元爲興州中軍統制以忠勇著名

李好義定一子弱冠從軍善騎射一初以討文州蕃部有功開禧初韓侂胄開邊吳曦王師好義爲興州將數請出精兵襲金人曦蓄異謀不納未幾關外四州俱陷金人長驅入散關曦以蜀叛好義聞變與兄



好古好仁謀誅之會臆遣李貴追殺宣撫程松貴好義知貴赤心以所謀告之貴遂約卒處等好義兄弟又密結親衛軍黃術等及女弟夫楊君王謀殺臆立長史安丙以主事好義遂遣君王等報丙丙大喜曰非統制李定一子乎此人既來斷臆之臂矣遂約二月晦舉事至期乃約龐術貴等七十餘人好義夜饗士麾衆受甲決于家廟囑妻馬氏自爲計馬氏曰汝爲朝廷誅賊何以家爲我決不爲李門辱其母亦曰行矣勉之汝兄弟生爲壯夫死爲英鬼好義喜曰婦人女子尚念朝廷我輩云何遂誓衆曰入宮弒殺掠

財者死時僞宮門洞開遂至僞殿入職寢室李貴執職髻斫其首引衆擁出亟馳告丙軍民歡聲動天地城中市不改肆好義請乘時取關外四州丙大喜令巨源輔行王喜忌其能沮之好義曰西和乃腹心地西和下三州可不戰而復矣願得馬步千人死士二百齋十日糧可濟丙從其請忠義響應來擊金人死者蔽路七日至西和好義率衆攻城親犯矢石人人樂死前無留敵金西和節使完顏欽奔遁好義整衆入軍民歡呼廵拜籍庫府以歸于官好義初欲乘勝徑取秦隴以牽治淮寇而宣撫司令謹守故疆不得

侵越士氣皆沮好義以中軍統制知西和州卒丙以  
勞績上于朝特贈檢校少保諡曰忠壯誅曦時人爭  
冒功賞君王欲注好義于植名好義指心曰惟此物  
不可欺王喜心懷邪謀日欲殺好義及守西和遣其  
死黨劉昌國聽節制與歡飲好義中毒暴卒居民冤  
之號慟如私親云

金石未顯阿不本縣人承安中以明威將軍行本縣  
令

梁君宇本縣人泰和初武略將軍祇都監

李侃本縣人泰和初保義校尉酒都監

蒲察和尚本縣人泰和中以宣武將軍行延長縣主

簿

裴思禮本縣人泰和中進義副尉

僅借守忠本縣人大安初以明威將軍行本縣尉

伯德主德本縣人大安中以武節將軍行本縣主簿

元李秀張村里人中統初幹羅真駙馬下管領本頭

下京兆等處民戶總管

李搏霄秀長子至元中襲父職懸帶銀牌管領本授

下京兆等處民戶總管

李存義搏霄長子大德中襲父職充安西路等處領

本枚下蒙古漢兒怯憐口胭脂等戶總管勾當後存  
義卒長子承師襲職名管領京兆等處民戶總管

巴巴本縣人至元中授武德將軍蒙古征行千戶

薛榮字君英臨渭里人元真初以陝西行省薦補通  
事尋授從事郎擢御史臺譯史選授承直郎陝西行  
省都事遷奉直大夫與元路判官督修棧道有功陞  
奉議大夫西和知州綽有政聲三年累陞正議大夫  
陝西漢中道廉訪使尋陞工部尚書致仕

石端甫北至道里人致和中舉茂材異等歷官朝列  
大夫西蜀肅政廉訪司僉事陞正議大夫陝西肅政  
廉訪司副使忠慎廉介卓有能名時所推重

張時中張北里人侍郎顯曾孫天曆中爲安西路萬  
戶府萬戶墳碑尚存

張遜字讓甫田市里人至順中舉人歷官風憲繼任  
民牧秩滿授奉訓大夫同州知州孫恭貢士至正中  
爲華陰縣尉

拜瑚字文昭本縣人至順中舉茂異歷官監察御史  
陞江南湖北道肅政廉訪司僉事

虎里翰本縣人元統初進士歷官光祿司主事

脫因納本縣人元統中授武德將軍本縣蒙古軍千

張冲本縣人至正初授承事郎御史臺都事

鐵木本縣人至元中授武德將軍本縣蒙古軍千戶

哈刺不花本縣人至元中授從事郎奉元路澄城縣

達魯花赤兼管諸軍奧魯勸農事賜緋銀魚袋

曹仕廉杜化里人至元中爲奉元路總管同知授顯

武將軍

李元本縣人至元中授甘肅行中書省沙州路知事

愛延帖木兒本縣人至正初授敦武校尉高陵縣蒙

古軍百戶

李誠字克誠邑人沉静聰敏日記萬言經史百家靡

不深究弱冠登鄉書辟隴右憲司掾除雲南知事擢

尹三原任德緩刑勸農興學除奸宄察吏弊時大盜

不軌發兵殲滅征派倍昔誠量戶低昂均其賦役且

樽節愛養民不知苦一時稱廉能焉

鄒任志本縣人至正中仕陝西行中書省奉元路府

學訓導

高脫台普花叢桂里人至元初舉賢良累官兵部尚

書洪武元年太祖兵至燕元順帝比如上都脫台

普花從之後大兵克上都襲應昌府脫台普花不知

所終今墳在西周村東人猶稱高尚書墳云

閻正叔仕西南里人侯伯正酒西坊里人泰定中同  
舉進士正叔授五經博士伯正授太常博士後以世  
亂棄官隱居田里洪武初並被徵至京深衣幅巾入  
見以年高辭不願仕 太祖見其鬚眉皓然禮之使  
歸俱以壽終于家

渭南縣志卷第九

渭南縣志卷第十

明中順大夫浙江紹興府知府邑南大吉撰朝議大夫山東布政司左叅  
議姪軒續編奉議大夫右春坊右庶子兼翰林院侍讀姪孫師仲增訂

文林郎知渭南縣事西蜀徐吉參閱

人物志

明石岩字廷舉北志道里人天性仁慈閑武略善騎  
射洪武中成大寧寬河衛尋從 文皇舉靖難兵奮  
勇大戰屢立奇功陞本衛百戶再陞千戶永樂中扈  
從車駕北征至滅胡山玄冥河戰退胡酋本雅失里  
凱旋陞本衛指揮僉事以忠謹見稱無子姪亨嗣正

統中贈驃騎將軍後軍都督府都督僉事

石琇字廷璽廷舉弟居家孝友處鄉黨曠夷有陰德人之感其惠者每以子孫昌大祝之年二十六以疾卒爲鄉人所惜悼以子亨貴累贈奉天翊衛推誠宣力佐理武臣持進光祿大夫右柱國忠國公

石亨琇長子生有異狀方面長體美髯及膝從姪彪貌亦如亨髯亦及膝亨嘗與彪蕢酒肆中有相者甚竒之嘆曰當平世造化何生此二人時亦無識者若無子亨繼之永樂末襲爲寬河衛指揮僉事英毅壯烈善騎射有膽略每從征輒立竒功累陞都指揮使

彪亦驍勇力能挽強又善揮斧始以官舍從亨有功授大同衛鎮撫正統中亨遷都督僉事爲征西前將軍左叅將協守萬全路彪亦陞指揮使從亨參謀是時亨威名已動虜庭亡何英皇北狩亨與總兵楊洪等以地方責並械繫錦衣獄先是胡酋也先大舉入寇大同中官王振方恃寵擅權聞報欲幸功圖封拜挾帝親征倉猝出師文武大臣咸不預議衆心泯泯士無鬪志遂致鑿輿蒙塵大漠胡酋也先乘勝長驅入居庸進逼京城臣民惶惑莫知所措會有言亨勇略者於是景皇出亨於獄詔令建功贖罪亨

統官軍出安定門即與虜遇挺刀單馬進左右馳突獨殺數十人虜又持斧率諸子弟從之諸軍懽呼踴躍聲震天地虜却而西亨等追戰城西虜復却而南亨命虜率精兵千人佯伴彰義門虜見虜軍少易逼之亨統大軍蹂焉虜遂潰南奔亨等日夜追三日至清風店北虜將出紫荆倒馬等關懼官軍後躡弗利亨令謀者詒虜謂亨未至陣將假亨名虜信之率衆來攻亨領虜與精銳數十騎奔擊大呼直貫虜陣刀斧齊下殺虜數百人虜知爲亨驚駭亂自相蹂踐亨悉衆乘之斬首萬餘級積尸十數里也先潛從數

騎遁去所掠羊馬財物棄如丘陵諸遺虜號哭四奔得歸者才十之二三耳亨既敗虜威名益震也先諸酋由是膽落尊衛英皇大駕隨即奉旋亨之力也是後韃靼屏跡不敢南下雲朔牧馬每見邊人必稱石爺爺 朝廷論功行賞亨爲第一進爵武清侯兼太子太師總京營大軍虜亦陞都督僉事爲大同右叅將諸親信子姪石澗石溟石濬石深石仁俱陞千戶鎮撫澗獨戰沒虜爲叅將虜人畏之稱石王亨又奏脩居庸紫荆倒馬龍泉等關堡鎮隘口後人賴之天順元年正月 景皇不豫學士王文少保于謙與

太監王成等謀欲取襄王世子立爲東宮而亨與都督張軌學士徐有禎中官曹吉祥將冕等先已定謀奉英皇復辟會有飛語於亨者曰王文于謙已遣人賚金牌敕符取襄王世子矣或又曰景皇已命太監張永等拿亨數人掌兵者於是亨等皆懼因吉祥密白皇太后庚辰遂降懿旨于亨曰天子疾大漸殆弗興天位久虛上皇居南內春秋鼎盛于今八年聖德無虧天意有在人心所屬頃以奸臣擅謀闕而不聞欲迎立藩王以承大統將不利於國家汝其率兵以逆亨既得旨乃於壬午四更與張軌曹

吉祥等暨群從子弟各率義勇兵士入叩南內宮門迎英皇法駕復位初英皇北狩朝臣議欲遣使奉問于謙謂虜詐難信宋金覆轍可鑒未宜即行既而駕返即有漏謙言于英皇者比景皇大漸入又言謙主爲別圖是以謙與王文輩遂獲大逆重罪廢景皇爲郕王論功亨第一進封忠國公加授奉天翊運推誠宣力佐理武臣持進光祿大夫右柱國食祿三千石追贈三代錫以鐵券俾世其嗣應以邊功進封定遠伯爲大同副總兵諸從弟子姪及諸義婿義子孫皆以戰功歷官錦衣都指揮指揮者三十二人



千戶鎮撫者二十一人一門貴盛寵冠當時亨自以爲有社稷功上亦德亨之功大也故極其報典之隆於是亨既自矜處亦恃寵會御史楊瑄等劾亨家人侵占民田亨疑學士徐有禎李賢等主之見上訴上信之爲下賢有禎并都御史耿九疇御史瑄等于獄會天變賢得釋復留爲吏部侍郎而有禎九疇竟逐去諸御史謫成調除有差及賢再入閣亨與有力而賢竟不悅久之亨頗干朝政且乞請太類上亦厭之左右怒亨者伺隙數爲誹語上漸疑亨而賢日見親矣一日上謂賢曰左右干預爲之奈何賢對曰唯陛下獨行耳上嘗與賢論及迎駕

奪門事賢曰迎駕則可奪門二字豈可示後况郕王不諱天命人心咸屬陛下何必奪門且內府之門豈可奪奪之一字尤非順者賴天靈默佑事幸得成假使郕王左右先知亨輩何足惜不審置陛下何地上愕然賢又曰臣彼時極知此舉之非亦有邀臣與謀者臣不從以臣愚見若郕王果不起率文武群臣請陛下復位安用如此勞攘雖欲陞賞以誰爲功招權納賂何由而得然賢彼時不當國實持兩可以觀望耳上方信賢以言爲是由是益薄亨亨生子

方三日 上見亨賀且令負見既見 上曰虎兒也  
佳善撫之朕行當與卿結姻 上意欲其子爲駙馬  
且探亨意亨不喻輒對曰臣安敢且臣兒無福 上  
笑頷之命左右取金鎖繫其項賜封鎖定侯亨頓首  
謝負出 上益疑亨既而都御史年富以石虎劾奏  
逮繫至京 上疑問賢賢奏體勘多不實而虎又數  
侵侮其總兵官故總兵官因虎嘗奏欲城威寧海子  
遂密爲惡言飛上誣虎蓄異志 上方疑欲召  
虎還而大同人又合奏保虎爲其鎮總兵 上遂大  
怒思爲極除計無何進虎定遠侯召還京侍衛亨覺  
上疑即令人促虎疾馳入京會北虜入貢見虎於朝  
羅拜稱石王 上聞疑益不可解密詔御史按劾縛  
虎棄市籍其家亨亦逮繫錦衣獄死亨既死法司奏  
請瘞亨尸 上念亨功欲從之問賢賢請論罪梟首  
上不肯竟令瘞之都御史寇深等素亦惡亨專擅竟  
論虎以大逆收亨等家屬悉置于法籍其財產亨從  
孫進士後者素有才名亦被收時人寃之獨亨從姪  
錦衣衛都指揮使溟得成湖廣郴州衛亨少子鎖定  
侯溟以幼幸未收後溟在郴復以功累陞指揮溟至  
正德末尚在京師游食論曰亨雖不學性亦直爽恢

豁無機巧嘗薦處士吳與弼應聘又薦馬昂為兵部  
尚書又力薦李賢徐有禎入閣其後有禎退賢獨進  
時亨與賢已有隙矣既而賢日親信而亨權日重軋  
賢又震主釁門既啓禍端日萌亨又不知謙退保身  
之道卒及于難若論亨功誠大不在奪門迎駕也當  
英皇北狩群胡進圍京城時四方震恐中外戒嚴大  
將元老束手無策微亨則國家幾殆雖謂亨再造社  
稷可也嘗讀李獻吉石將軍戰場歌曰清風店南逢  
父老告我已巳年間事店北猶存古戰場遺鏃尚懸  
勤王字憶昔蒙塵實慘怛及覆勢如風雨至紫荊

頭晝吹角殺氣軍聲滿幽朔胡兒飲馬彰義門烽火  
夜照燕山雲內有于尚書外有石將軍石家官軍若  
雷電天清野曠來酣戰 朝廷既失紫荊關吾民豈  
保清風店牽兪負子無處逃哭聲震天風怒號兒女  
床頭伏鼓角野人屋上看旌旄將軍此時挺戈出殺  
胡不異草與蒿追北歸來血洗刀白日不動蒼天高  
萬里煙塵一劔掃父子英雄古來少天生李晟為社  
稷周之方叔今元老單于痛哭倒馬關羯奴半死飛  
狐道處處權聲噪鼓旗家家牛酒犒王師休誇漢室  
嫖姚將豈說唐朝郭子儀沉吟此事六十春此地經

過淚蒲巾黃雲落日枯骨白沙磔慘淡愁行人行人  
來折戰場柳下馬坐望居庸口却憶千官迎 駕初  
千乘萬騎下 皇都乾坤得見中興主日月重開再  
造圖梟雄不數雲臺將石家善戰天下無嗚呼石家  
今已無安得再生此輩西備胡觀此則亨功懋大可  
見矣使其後無迎駕奪門事有矣而不以寵利居之  
則下無干國政之謬上無殺功臣之名謂爲臣節有  
終非邪夫何王文董頰起異謀激成奪門迎立事功  
歸臣下威震當朝而亨處顧又以寵利居之讒媚既  
作媒孽亦隨當是時謂亨叔姪恃寵驕恣固有之若

曰大逆不軌蓋亦莫須有耳闔門就戮禍延非罪忿  
快讐隙之心刑贖勲伐之肉死者含冤生者懷疑遂  
致逆賊曹欽得以藉口爲亂雖天地 祖宗威靈赫  
臨卽至撲滅然所傷亦已多矣若賢者非賴王勳仁  
人長者德感庇及烏能自免哉夫致身事君分也貪  
天功以爲己有孽固自作而凡幸圖富貴與謀洩私  
忿以禍國家者視此獨不當爲深鑒哉 英皇駕  
孫弘慶寺里人魁岸亢爽有才識宣德中舉于鄉歷  
肥鄉雒陽令政績卓異累陞太僕卿以邈 英皇駕  
陞工部右侍郎尋改吏部左侍郎人言石亨所薦第

弘實無求于亨亦未嘗爲亨用也未幾亨敗以里閭故罷爲大理通判當在洛陽時宦汪直攝巡經兩河所在亡不望風靡者弘獨抗不少屈且詆諸調笑旁若無人直反解顏禮焉若弘者殆亦卓犖不怙之士且長于應變者云

賈冕忠義里人魁體慧質少即好學博古取與一介不苟景泰中舉于鄉累試禮部不第天順初以謁選留滯京師時石亨方貴盛延冕教諸子姪學一日亨謂冕曰明日置酒延吏部飲請先生見而陪之亨意欲緣此得美除也冕頷之詰朝潛出莫知所向比考

列第一授湖廣辰州府同知頗行始謁亨辭亨曰先生不肯見吏部而竟得首選亨武人安識先生欲假驛傳冕亦固辭於是單騎馳去既履任水操惠政卓冠一時職故兼造御用磁器中宦督運者故有額外餘數以便其私冕執不與中宦怒乃誣冕失度違期不敬械繫下錦衣獄執法者審知其誣乃奏薄其罪詔爲編民冕既歸鍵戶觀書屏絕俗務足不履縣庭者三十年任令爵高其行懇延之至則先謁文廟而後與任接一拜即退任固留之竟不得任益敬重之家貧儉素自給未嘗以一菜假人人亦不敢以一私

子焉其剛介廉直終其身如此壽八十三臨終謂諸子曰我死母作佛事若能題我墓曰明故免罪前湖廣辰州府同知賈冕之墓則我瞑目地下矣冕其古狷介者流邪

張鏗田市里人通判慎孫成化中以歲貢除山東濟陽知縣有才能又廉慎好賢重學校學校之士被其惠者親愛之如子之於父母知濟陽九年課稱第一陞濟寧知州治濟寧亦如濟陽卒于任兩地人士久益思之凡仕宦至者咸爲文酌墓低回不忍去云

裴斐字成章臨渭里人性敏好學須髯偉正統中鄉試第八人天順初選授福建道監察御史立朝有風裁出按遼陽將領震肅士卒悅服亡何陞湖廣按察司僉事未幾告歸爲人坦夷不修邊幅敏於吟咏與鄉人處和易可親人愈益尊且禮焉終其身無有怨者其儻爽襟度迄今稱之

裴慧字悟理斐從弟生而奇穎莊重博學強記通毛氏詩天順中以進士授南京戶部主事監督江北諸路暨南京錦衣儲權奸斂手部院交章論薦陞本司員外卽丁父憂服闋改除戶部員外卽陞卽中出總大同諸路邊儲旣又奉勅犒賞延綏諸路邊軍將士

懷感已而奉命往封瑞昌王金幣盡卻弗內王國  
稱重復勅覈勘畿內水災具實上聞民霑其惠尋  
陞山東布政司叅政總理宣府諸路邊儲有清幹聲  
朝論方擬大用遽以疾卒于官時年五十又五人甚  
惜之悟理爲人篤慎老練歷官無頽政隆名至今後  
輩稱爲淳篤長者云

南休亭翁諱釗字希古田市里人生而岐嶷穎異好  
讀書然家貧能刻苦十八歲通小戴禮爲文爾雅不  
事雕琢提學曹公璉竒之進爲學諸生景泰癸酉舉  
人天順庚辰進士授戶部主事陞員外郎中尋陞河  
南布政司叅政翁美髯脩體性嚴毅而守廉介居官  
終始人不能干以私第太疆直或面折人短無少貸  
人多嫉毀之自在計曹出入中外廿餘年凡可足國  
儲益邊計沮奸謀蘇民困者不避權豪不計利害卽  
人畏不敢爲避不能爲者皆挺身任之當是時同年  
其案俱已超陟翁尙滯郎官時論爲翁不平有問故  
于部尙書者部尙書曰遲則留爲京堂矣已而有不  
悅翁者譖之乃遂陞河南叅政先是翁以員外監德  
州倉其地巡撫以事囑翁不從嚙之比翁叅政河南  
適其人已爲少宰值朝覲遂修隙罷翁歸識者惜之

翁之歸也。道逢田園訓子孫耕讀任侯楊侯高翁行  
誼時造廬請事翁竟無一干求也。居常寡言笑榮儉  
素且天性至孝當爲進士時謁歸依親逾四年不赴  
銓父促之再三始行居父母喪終制足不出戶庭且  
好讀書雖溽暑沍寒不釋卷也。教皇帝御極覃恩  
進階嘉議大夫時年逾古稀高矣亡何以疾卒所著  
有休亭稿藏于家。

南漢字天章休亭翁次子生而篤慧蠲潔承家學通  
毛氏詩爲學官弟子行履端方嫻文辭弘治甲子舉  
人明年會試登乙榜除署山東長山諭郤東修嚴訓

誨登名薦剡吏部業行取以備補風憲之缺檄方至  
而叅政翁卒生徒泣送不忍去服闋遷國子監助教  
廉靜敦慎大司成石公器重特甚而邃庵楊公時爲  
太宰會京衛武學缺教授學弟子皆蟬貂貴介司教  
者難其人於是奏移天章往署之武林翁然改觀弟  
守正不阿會有兵部主事來比試武生往部主事學  
官行屬禮天章自謂胃監官獨長楫不拜主事怒諧  
之部尚書部尚書頷之助教三年例得與選臺首會  
部尚書爲太宰遂遷天章蘇州通判至則嚴門禁杜  
苞苴凡利當興弊當革者不避艱險不憚煩勞殫心



竭力爲之積勞三年以疾卒吳士庶莫不德而哀之  
天章弟諸生靜夫山者博學能文又善舉子業嘉靖  
壬午闈中已擬爲省元矣比末場靜夫疾弗竟事漁  
石唐公素器靜夫聞而嘆息者久之後竟以歲貢客  
死京邸命也惜哉

薛敬之字顯思仕西南里人生有奇狀兒時即愛讀  
古人書稍長言動即與人異又善屬文比爲學諸生  
出入周旋必從繩墨爲文不逐時好說理勝而華采  
自在諸搢紳士亦多排議不悅敬之介然自信無以  
渝試于鄉凡十二竟弗遇成化初貢爲太學生遭外

內喪皆徒跣奔哭雨雪不避一時咸推重稱爲關西  
夫子後謁選吏部尹太宰異其文又奇其器宇端偉

拔授應州知州至則勸耕桑崇學校除盜賊居三年  
奏課第一進階奉直大夫贈及父母陞金華府同知  
撰金華鄉賢志居二年致仕歸逾八年正德改元

覃恩進階朝列大夫二年卒宗伯呂仲木先生志其  
墓稱述咸鑿鑿實事所著有思庵野錄傳于世

薛悅之字以道敬之弟幼警敏授之書輒了悟既長  
通春秋然好博識廣記尤好星曆地理醫卜又好琴  
而正業遂廢初任臨潁驛丞陞許州吏目卓有善政

然剛直不阿數忤時貴棄官歸歸而卜居城西芝山  
中途自號芝山積書萬卷彈琴樂道書法迺勁俊逸  
頗類晉人有芝山野興稿一卷知云幾年南北卜幽  
居今得林泉靜有餘除却世緣無一物床頭唯伴數  
函書又云歸來閑棹五湖波濟世英雄志漸磨日暮  
艤丹松蓋下坐看征鴈落汀沙又云宴坐溪邊倚石  
臺水光山色共徘徊塵寰解脫功名網林下看雲任  
去來觀此其襟度志興豈尋常齷齪者倫哉

鄭弘字道熙西關里人天性敦朴家貧好學第屬文  
平實成化丙午春道熙夢立山峰上有惡鳥如鴟繞

其巔道熙舉手擲之鳥即聳身化為五文禽比入棘  
闈試官置弗取既寢夢朱衣人謂曰此生當連第何  
弗取試官覺以為異取之比會試又夢立城外俯見  
城內人覺語人人曰大人也中矣既而關西連第者  
止道熙一人其後歷官行人選授監察御史尋陞浙  
江布政司右叅議歷官以清謹稱無何致仕歸進階  
中順大夫卒年七十有二弘生平儉約處鄉益敦睦  
入里閭恒徒步垂老無失德至今後輩言淳篤君子  
者必稱鄭先生

劉汝靖字安之新市里人美風儀有俊才外若和易

內實剛正讀書不事章句屬文爾雅蒼古不爲習俗  
浮靡態提學邃菴楊公目爲奇才每試輒高等弘治  
癸丑舉進士歷官工部主事員外郎卽中遭繼母喪  
既闋將謁除會逆瑾用事有鄉人爲錦衣者素不悅  
于汝靖乃誣緝以事密上之械繫錦衣獄論使罷歸  
既而瑾以亂政誅汝靖以原官致仕後邃庵爲太宰  
極力雪冤板滯首舉汝靖竟爲讒者沮之命也至其  
處鄉黨以和惠訓後學懇懇情義婉委也故學者至  
今想慕不忘云

南渭陽公者諱金字楚重田市里人博學有文以歲  
貢授新野學訓導卓有師範嘗攝令事無敢苞苴者  
尋陞資縣學諭遂飄然致仕歸公沉毅莊重居無笑  
言雅不近聲色與人交鯁直不阿然好揚善不言人  
過成化末大饑兄弟咸就食漢濱公獨留養乃自茹  
糟糠野藪而父母食如樂歲鄉黨以孝稱其庭訓又  
肅肅嚴厲日以聖賢德業期而勉焉後以冢子瑞泉  
公貴贈戶部雲南司郎中太史康德涵先生曰以公  
昌文奇氣自謂凌跨一世然時或阨焉獨非天邪嗟  
乎誦說繁而本實昧民曰相率爲僞吾不知何如可  
也讀公戒子數言若曰男子墮地天地四方卽爾事

矣非名言邪即此益欽公德矣  
侯佐西關里人性醇雅敦孝好讀書  
生娶方九月遭母喪哀痛管葬負土成墓傍結草廬居之家人非祭掃禁弗得至墓所日食唯米數合每有感觸號哭之聲徹于四野三年方歸提學盧公嘉其孝予之廩遠邇人士聞佐學行皆來敬禮從遊焉一日墓歸至狹徑馬伏而鳴視之則猛虎當徑瞋目坐佐默祝不孝遭凶年拜掃荒丘今若此命也但不得從先隴奉侍父母地下耳祝未畢虎投澗奔去詰朝有報虎死澗下者詢視之即夜當徑虎也衆皆驚嘆以爲孝感所致尋以貢授西充訓九年陞祁縣諭三年告歸時年踰六十矣朝夕哭拜墓下者又十年以疾卒平時正襟危坐不令一人入外候者微聞口稱父母兒今得長侍左右矣古稱終身慕父母非侯先生謂邪

裴紹宗字伯修斐孫少有志讀書刻苦以進士除海門知縣紹宗爲人樸而勤不修容儀遇事敢爲無所畏避當 毅皇帝南巡當道者使署江都事時近侍張忠姜彬等橫索有司莫敢犯紹宗獨與之抗不少屈忠輩亦不敢易而干之比駕旋省費數萬緡尋擢

兵科給事中每朝政闕失輒直言無諱嘉靖初陞刑科右給事中會有大禮事紹宗抗疏糾論滾滾數千言反覆辯難詞嚴義正咸人所不敢言不能言者詳奏議中詔下錦衣獄以掠重劄甚卒貧不能治喪一時稱忠且清焉 莊皇帝御極贈光祿少卿蔭其子長初爲國子生

李錦字仲白叢桂里人豪邁不群若古之狂者讀書說大義不逐章句文不爲時俗尋常語行又光明過即知弗諱弗憚改與呂仲木先生友淵源有自洎領鄉書累上春官不第出爲宿遷知縣務德化興孝弟崇本抑末扶弱鋤強不爲煦煦小惠五年陞海州知州居數月以不阿上官罷歸逍遙田園者五年疾革時正巾危坐命子儒鼓琴操顏回嘆曰我道固如是也遂不語而終非義命素明安能從容若此錦其達者流邪

瑞泉子曰予少從先大夫遊新野正德丁卯歸爲諸生是時裴伯修先於辛酉巳爲舉人矣李仲白方有時名冠關輔而又有李德英文進郭伯盛爵俱爲學官名弟子然白修仲白俱長予十年予皆以兄事者也德英長予一年故予以友交伯盛少予二年故予

以弟友焉既而庚午仲白伯盛偕予同舉于鄉比辛  
未予又謬舉進士乃後伯修舉進士于丁丑德英與  
予弟逢吉同舉于己卯每一會聚切嗟砥礪何但文  
耗已也夫何伯修官給事沒于直諫仲白官海州歸  
沒于家伯盛德英皆未仕相繼以疾沒焉夫勤素果  
毅吾不如伯修卓犖真率吾不如仲白聰明俊雅吾  
不如德英直諫英邁吾不如伯盛良朋益友松彫桂  
焚宿草暮雲縈心懸想茲因志傳叙而及之安得不  
重增慨嘆也哉

渭南縣志卷第十

渭南縣志卷第十一

明中順大夫浙江紹興府知府邑南大吉撰朝議大夫山東布政司左叅

議姪軒續編奉議大夫右春坊右庶子兼翰林院侍讀姪孫誦仲增訂

文林郎知渭南縣事西蜀徐吉參閱

人物志

南瑞泉公者諱大吉字元善渭陽公長子生有異質

少明易禮弱冠成進士授支部郎文行爲尚書推重

使攝章奏復逆得體嘗條上保定釐革四事建議漕

運督臣歲入會議永爲故典世廟御極十庫官用

惡金充資典公怫然折以法在部所莅有聲尋陞紹

興知府紹興多勢家豪族政弊俗壞公擇任丞史治  
尚體要不期月政修廢舉乃肇造稽山書院選郡邑  
俊士督教之科目自此稱盛疑獄多官不能決者一  
鞫即得其情望見者以爲神人不可犯疏復運河故  
道覈復王右軍謝太傅故地洎論死會稽巨盜重懲  
諸暨豪猾即當全力囑不能奪由是廉者中傷罷歸  
構酒西草堂以教四方來學士出其門者類多聞人  
公負任重道遠之器履官務在奉法行志而孝友愷  
悌又藉藉膾炙鄉評以故名宦鄉賢皆有祀事詳門  
人薛騰蛟所爲傳中所著瑞泉集藏於家紹興渭南  
志藏於郡縣識者謂又若詩獨步秦漢初唐志有良  
史才紹興志謂公政尚嚴猛不避嫌怨竟以象豎然  
勵奸興利至今賴之光祿谿田馬公謂公始以古文  
鳴中以道鳴與人和而有容至當官任事則屹若砥  
柱立於狂瀾洪濤無能撼者皆稱實錄

南姜泉公者諱逢吉字元貞渭陽公次子初通小戴  
禮爲名諸生既舉於鄉同兄瑞泉公師事陽明王先  
生所詣益邃洎歸陽明遺之書曰關中自橫渠後有  
所振發興起者必自元善昆季始後所化誨果彬彬  
多聞人學者源所依歸率稱曰二南先生云後姜泉

公用易成進士授儀制郎會肅皇帝議太廟明堂諸大典大宗伯每以草屬公悉當上意居七年出知保寧一時薄之當在保寧時雪積冤蘇隱瘼率用嚴治暇萃諸士之俊督教之一時得人爲感居四年陞雲南督學使銜者中傷改知歸德府其治歸德亦如治保寧無何陞兵備鴈門公日以忠義激發三關將士勒習陣法聲大振屢歲虜騎無敢南牧者嘗條上備邊五事觸時忌格於執政者俄而罷歸公性至孝師事兄竟其世無異財衰產後盡以父兄所貽讓孀嫂而教其孤孫成進士乙卯渭上大震令死惡少

訂諸它欲逞者抗足觀望公收壯士磔首事者一人而定是時有被掠子夜持數百金匿公所未幾被掠子亡金無歸公盡首之官語詳門人巴西陳宗虞所爲傳中今與兄並祀鄉賢保寧復祀名宦輿論稱二難云所著姜泉集越中述傳藏于家注解會稽三賦刻在會稽郡中大學士乾菴馬公謂公骨氣鋒稜峻潔而剛明果斷故其行誼種種合道至臨事變屹不爲動升沉等之浮漚爲兵備時有窺當塗意勸公通問者公以信心俟命拒之嗟嗟以遂畜如公使稍稍自抑以求庸於時所樹立詎止是而顧不然吾於茲



益足以見公矣信哉

師仲曰余嘗履燕趙之墟往往與越人遇述伯王父治越狀德澤淪浹歷百年一日矣已而昭龍江沈相國於王父守歸德事言之甚詳公欽仰不翅口出嗟嗟公道在人久而益章彼一時得失政足腐鼠視之耳

張羽字子漸津賢里人敦樸寡言刻志讀書正德末以進士授刑部主事歷陞郎中嘗鞫權璫獄逮餘三百人詳讞惟允奉命錄蜀囚奏宥至四千有奇尋陞知常德府敷政平易當道顧有不悅者會大察致仕歸家居餘三十年布衣蔬食蕭然猶雲士居處清渭乙卯地震後水數東徙羽置別巷與衆共遷於是人咸德羽之能恤憐云

劉鳳池字文甫郭許里人魁體英質倜儻不群初下帷受書一過成誦爲文耻守時轍每操觚皆秦漢語好爲詩賦又好讀司馬孫子諸書人或以迂誚之鳳池乃昂昂不顧怕曰丈夫固當爲國家樹奇功封侯佩印亦分耳安能碌碌自泯也爲學官弟子會肅皇帝行選貢法得超次就學國子中順天鄉試七人成進士高第聲稱遍載下歷試高平章丘二邑時遑

事未萌乃獨繕城池教武勇士氣聿振又著兵略十數篇以見志尋陞工部主事無何北虜果深入朝議亟求鞬略士太宰訐公知其才奏改兵部職方贊畫宣大軍務諸將士多受成筭嘗率衆出塞行數百里虜遁去大獵而還未幾徵還部俄而北虜復入復以鳳池往事定復還鳳池既負文武才名事事又多超出常調會考察內諸司遂以妬口謫未幾以疾終識者惜之所著有東陵集文在班馬間詩漢魏盛唐間刻在西安郡中

王麟字季靈辛市里人質樸心慧少治春秋爲文務說理不事雕琢章句長爲縣學生從二南先生遊學益邃每歲試輒第一從學者衆稱爲石鼓先生嘉靖中會選貢先生試第一應貢以友劉鳳池貧甚母且老乃謀割鬻當歲貢又遜友高遷氏人稱其義壬子秋應試父年八旬有疾先生顧日理湯藥不肯行父歿哀毀骨立喪葬如禮先生博學該覽動依規矩居嘗寡言笑處家人泊鄉黨和而有禮然又介然有執雅負經濟志顧八入棘闈竟不偶乙卯業應貢會地震卒聞者咸悼之

楊惠字濟民酒西坊里人初讀儒書以家貧不能卒

業乃治刑名爲西安府掾文無害弘治中授瑞州府倉大使改交州府倉出納一無所私尋陞彭山縣主簿至則慨文廟傾頽請於上官圖改作焉上官愕曰大工也若卑官得無難乎惠力任之不半載告竣上官喜其有功斯文特加優獎無何遭內艱奔歸襄事如禮服闋授孝義簿以廉平稱居三年致仕歸日處故廬中絕踪城市蔬食布衣泊如也邑令高其行延與鄉飲特加體貌焉壽七十有三卒

王勳東陽村人襲祖職爲延安衛百戶驍勇多智所向克捷歷陞寧夏總兵副嘉靖中虜酋闌入勳率師出戰于鹿泉虜漸益勳乃據險發矢力戰移時矢盡而亡然虜之被傷者亦多矣世廟錄其忠詔許立祠予以寧襲爲指揮復陰其孫恩爲千戶

薛瓘字宗玉渠泉里人少業儒既而棄去爲承差後除邾城驛丞能以廉自將六年陞莒州千戶所吏目無何遘母憂歸既而謁補保寧千戶所嘗按諸所官奸利事有狀諸所官憚服莫敢不法者上官賢之令署通江縣事又嘗按治諸豪家諸豪家即伏聽守法於是名益著居二年遘父憂歸遂棄官不就尋以子騰蛟爲戶部郎封如其官瓘天性孝友遇里中少長

人人問起居父立不能去見人困阨即傾財振之故人稱爲仁德長厚云

張世威字廷重西王里人少治刑名爲郡掾然好讀經史以清操自勵同舍掾有坐贓敗者世威獨以廉全尋掾銓部有縣令當左遷用幣于世威求判郡世威固辭曰先生作官由吏邪吏欺人耳故人稱爲張清吏云嘉靖中授夏縣丞間攝夏及榮河事以清慎聞尋遷鎮西衛經歷以憂歸歸數歲夏人爲立碑頌德焉當在鎮西時叅將與奇嵐守相構縱家丁毆守因劫庫監司命世威訊其獄監司欲擒首惡者五十

人幾激變世威白令叅將自擒四人以獻餘黨解散而叅將竟奪其世廕以無他虞世威馴雅清癯若不勝衣及臨大事挺然有不拔之節然又居家友愛處鄉黨謙厚有容亦奇男子也

孫爵字天祿仕西南里人生而孝友事父贈京兆丘園公得其歡心弟秉彝蚤世遺孤一貫方襁褓公鞠育如已子終身不析七箸性開敏有壽略邑令召司庫庫有羨金數百向未登籍亡何令罷去金友在爵懷金馳二百里追令令驚曰吾無染庫藏若胡來爵語故令請中允金爵曰君侯爲邑良苦此金猶不足

充橐中何外爲分與全沒孰多令謂爵不愧四知其  
後必大里有忿爭事必就爵質爵剖曲直諭利害間  
出杯杓解紛就質者皆豁然不復犯里人重爵暗必  
歛容肅侍爵嘗曰我等爲編氓而見敬若此惜吾不  
學與其在于孫乎後以子一正累贈順天府尹復以  
孫瑋累贈兵部尚書俱詳恩錫志中

薛騰蛟字時化又封公瓘先是永邾城驛生公于邾  
弱冠從二南先生談名理之學嘉靖甲午舉鄉試五  
人明年成進士授長治令長治附潞郡軍民雜處宗  
藩豪右不可問公定官方均賦役振廢墜恤鰥寡政

平民阜御史大夫王公廷相故潞人其族有編氓見  
公長揖者公笞之加役焉譖於王所公不顧富人子  
鄒餘良張珠等當大辟咸以千金行貴人關說公執  
不聽凡清廐傳汰里甲蠲苛征定藩祿省幾數萬金  
竟以亢直遷南戶部主事督儲稱平累遷郎中三載  
考恩逮父母踰年有母喪服闋除戶部陞四川僉事  
分巡川東東鄉尹錢若愚貪墨無顧藉即案劾之大  
盜銅梁朱洪受太平表廷佐咸負固莫能捕者公禽  
之殆盡楚征苗之後公監蜀兵轉饟以時人人用命  
俘斬七百級捷聞 賜白金文綺亡何封公沒終制

陞山西叅議分治大同大同遭悍卒變當事者務爲  
姑息公扶其桀驁者一軍肅然已遷副使駐節陽和  
中丞某庇私人多殺無辜公數翻異之比右衛被圍  
急令公媾解公持不可中丞恚甚謂公才不宜邊郡  
徙內地公嘆曰吾骭髀自天性即內地安往不齟齬  
遂歸不復仕初錦衣叅軍沈鍊以劾分宜相戍邊守  
備羅鎧阿相意屬得虜間詞連鍊事當下公勸憚公  
亢直乃屬他人奏上誅鍊等督府以下受上賞分宜  
敗咸抵罪公不染手辭公嘗自謂官以亢敗禍以亢  
免既明且哲公以之矣 神宗上兩宮徽號進階中

議大夫贊治尹里居垂老不干公府不迂鄉里敦倫  
篤義輕財好施遠邇景慕亡間言獨淫于典籍凡墳  
索子史騷選諸家究其指歸咀其英華於經義多發  
明詩書尤備蹄田三十載長治祀公名宦享年八十  
有九號南岡著有南岡漫稿經說等書藏于家

孫一正字格卿封公爵長子實清心慧貌若峙玉十  
七歲從二南先生遊通小戴禮名冠三輔嘉靖庚子  
薦鄉書癸丑成進士授戶部主事以廉能起聲歷陞  
衛輝郡守除彰黎潤室廬民歌孔邇陞山西副使飭  
兵井陘既去衛人建祠以報尋陞叅政駐汾陽當是

時雲朔多警一正徇民振伍卓有方略陞河南按察使未幾陞楚藩左右布政所至益卓有聲績并陞時穢妖嬪之亂蒙 勅金幣無何陞順天府尹順天居數下往往令格難治一正振綱剔弊部內肅清會楚巡撫 員政府 人 一正往以相比昵一正宛以水土不宜辭政府銜之遂病免家居有勸通刺當塗以冀用者一正曰免官謂何而復通刺邪咲置之性貞毅不爲威利所移媢阿者遠之若賦于端人貞士糾纏然締交恐後也且篤于孝友視諸姪若子處鄉黨睦愛有情又其天性非矯也蓋棺後人多慨于

追思焉後崇祀鄉賢又以子琚上書于祭葬

賀承光字子謙馬光里人嘉靖中以進士授行人歷官行人司副刑部員外郎以疾謁歸會乙卯地震卒承光質清履方生平唯知讀書不屑世務父應璧嘗備兵遼東鞫一叅將獄平其法叅將持白金百兩貂裘一襲詣承光謝承光峻拒之無所受所居里第距邑三十里非公事不至鄉人亦不得以私干焉蓋硜硜介士云

孟重字汝器東關里人魁岸不羈第刻苦讀書嘉靖中以進士授固始令調仁和丁母憂既闋補滑縣以

才著名陞兵部主事歷陞懷慶郡守擒妖魁李應乾  
陞山東按察司副使兵備霸州尋陞河南參政分守  
大梁復以擒巨盜陞僉都御史巡撫上谷會奄酋納  
款議市重與有功焉歷陞兵部右侍郎協理戎政無  
何有波及重者遂回籍聽用數年以疾卒重生平以  
軼材自許頗涉跣弛或以儻蕩議之然處鄉里無賦  
府且接引後進如恐弗及亦有足多者古謂士有負  
俗之累而立功名重近之矣有奏議數卷藏于家  
郭珠字用明東關里人舉人爵子年十五喪父祖母  
在堂雙瞽繼母裴善嚴又歲不熟珠竭力供養無弗

當意者弟璣張出也督之學又稱貧爲之娶無異同  
胞珠少穎慧篤志顧竟不偶以貢授階州文學居年  
餘俄聞母訃奔歸所蓄俸資廩三十金盡出以襄母  
事而家徒壁立如諸生時珠廉靜不慕榮利獨好與  
人爲善又恤貧能施言報者輒拒之人有以關說干  
珠者已而事雪持金爲謝珠曰君以理取勝我實未  
嘗爲君地也其人讓至再竟不受服既闋迢遙里中  
教子明農不復萌仕進意年幾古希卒鄉里稱善人  
焉孫俊進士僑舉人官州守

南易谷公諱軒字叔後憲副姜泉公長子少警敏既



長屬文不類經生年十四補博士弟子員弱冠舉於鄉嘉靖癸丑成進士讀書中秘以母憂歸服闋除刑部郎時外宜當國政以賄成輿論詘之已改吏部三載考上書得復憲副公官母封恭人者爲令已遷考功員外郎攝計事分宜熈夏子開爲守以貪聞公削其籍分宜銜之外宜罷始典選時徐文貞執政滌除舊染公益發舒無還忌常孰巖太宰故爲宗伯數關說公叱其使陳給事窺闕意指釐公調陪京考功郎時甲子詔簡諸曹校京闈士公甄拔皆時雋明年擢四川副使領驛傳清軍察舉利弊略盡土司黃中據

支羅爲楚蜀患檄公往勘議在必勦計乃定尋攝督學品題多厭衆心 穆宗踐祚銜者復中公往公念憲副公乞終養不報至是而喜承歡憲副公者六年遠近士執雉無虛日萬曆改元起知壽州籌畫興革十許條上諸臺定爲令五月擢貳廣平尋擢四川僉事分巡川南值土司仇殺公走檄諭之悉聽命居頃憲副公沒免喪謁選人銓曹故有會公以外寮儼據上坐王少宰某斬之調公先輩固爾公曰不佞誠先輩孰後輩者王失色無以應補湖廣分部長沙已遷山東參議守東交兩地盜藪公修保甲法桴鼓不聞

墨吏憚公威威望風解綬去而少宰嗾其黨汗峻公  
無所得第言老不任予致仕公年甫踰六十耳伯父  
紹興公沒三千少公奉世母范淑人如母而教其三  
子爲諸生後憲副公析著公推腴者讓兩弟事繼母  
王無違色建義倉賑貧乏焚質券舉馮孝廉葬卹劉  
司馬發鬼王祭酒文申以婚姻其尤著者京山李太  
史謂公貌若山澤之癯而見義必爲白刃可蹈任丘  
劉學士謂士各有真公其始終九志葆真人邪觀二  
公評騭數語足稱信史公又號渭上子所著有渭上  
稿關中文獻志訂正通鑑前編續渭南志南氏族譜  
各若干卷詩文繩墨古人而有獨詣字法章顏好學  
垂老不倦歿之夕猶賦遠期篇以勗叔子師仲命酌  
長唸而絕年八十有一痛哉

史載民水手里人起家文無害初任昌平委吏先是  
爲吏者率以虧折逮補去人爲載民危載民謂此必  
鼠竊賈禍耳一切約已勅法卽積猾無所售會計報  
竣粟豆羨至千三百有奇餉司重之後任羅山九里  
關巡檢有富豪依恃出險窩盜至百數莫敢誰何載  
民設計擒者幾半羅令長厚妄報多殷富人當道檄  
載民訊其事被誣家持金錢爲子弟餽載民卽捶叱

擲出執法公訊誣者悉醒當道亟稱之富家有潘官者私人妻而夫被殺獄經年不決復下載民官遂以金杯白金綺縠托隸後爲壽載民搗隸幾斃官洎嬾遂正法萬口歸明當道優獎示異謂非它卑官所敢望也俄而倦遊上官輒留莫能得後羅有尙公維持者督學關中首訊載民起居至錄其叔子東階爲弟子員曰吾以報廉父母也若載民者尙所謂循吏非邪有孫記事成進士官御史

郭都字子衛由臨潼徙渭南今爲零陽里人生而豁達明敏善文詞從二南先生遊爲諸生有聲南先生便爲子姪師後應貢司訓泗州移諭穎上敷教端嚴持已廉慎卽兩地士莫敢以北方之學者易之且捐俸周士俾盡力于業都美儀容嫺應對上官見者率禮遇不與他文學埒業登薦剡而召遷藩教授命也遂浩然歸與同學諸長老遞相招邀譚心問歲雜以詼譎娓娓解頤異母弟諸生郊傲都特甚都怡怡然與之偕且割俸讓產終始不替稱友于焉至不忤鄉里不干公府先輩流風迄今可想年九十卒

師仲曰 明興人物志自伯王父以來皆先大夫撰次而先大夫以來又皆不肖僭爲論說者乃猶

